

Kānga Pungarehu

Nā Tunisia Shepherd


Whatukura

He Whakatau

Me mātua pānui kia mārāma rawa koe i ngā whārangi 8–14 o tēnei pukapuka.

He whakarāpopoto

Pānuihia te whakarāpopoto ki te ākonga. He mōhio koe he aha te kānga pungarehu, me pēhea hoki te tunu? Kāti, kia kaha ki te pānui kia mōhio ai koe me pēhea te tunu i tēnei kai reka rawa atu o te ao.



He kupu whakataki

Kia kaha ki te whakamahi i ngā wheako, me ngā mōhio o ngā ākonga. Kia hāngai tonu te whakatenatena, ki te whakauru i ngā ākonga katoa. Me whakatītina rawa te pūkenga tiro whakamua. Matapakihia ngā kupu hou me mahi rawa te kupu taka me ngā whakaahua kei te uhi. Me whakamaumaha hoki te ākonga kia pātai ki a ia anō, i te wā e pānui ana ia mai i te fimatanga ki te mutunga o te pānui.

Me matapaki ngā tino kai a ngā tipuna i te wā e tamariki ana rātou. Pēhea tā rātou whakareri kai i ngā wā o mua, arā, te whakarite i te kānga pungarehu mai te wā whakatipu ki te wā kai? Whakarārangihiā ngā momo whakamahinga kānga i ngā wā o mua. Kānga Wai/Kānga Papā/Kānga Pungarehu/Kānga Kao/Kānga Kēne. He pēhea te reka o ēnei momo kānga? Me whakahoa, me whakaatu ā-pikitia rawa te tikanga mō te tunu kānga pungarehu.

He Matapaki

Tirohia te pai o te pānui a te ākonga

I te wā o te matapaki me pānui te ākonga i te katoa, i tētahi wāhanga noa iho rānei o te pukapuka ki a koe. Kātahi ka:

- whakanui, āta tatari, whakahau tika;
- titiro mēnā e tika ana, e pai ana hoki (mā te tataui i ngā hē), te rere o te reo;
- titiro mēnā e mārāma ana mā te whai i tētahi o ngā huarahi e whai ake nei;
 - te pātai i ngā whakapuaki māramatanga me ētahi e tika ana, ā, whakaritea kia kōrero anō te ākonga i tētahi wāhanga o te pakiwaitara ki āna kupu ake;
 - te pātai mō tētahi āhuatanga o te pakiwaitara, arā, te kaupapa, te ritenga, ngā ariā mātua, te raupapatanga, ngā kiripuaki;
 - te whakatenatena i te ākonga mō tana tiro ki mua i whakaputa ai ia i te wā o te whakataki.

Whakaarohia he aha atu hei mahi mā te ākonga

Me whakahau te ākonga:

- ki te whakamahi anō i te pukapuka i te taha o te mihini whitireo, i tōna kotahi rānei;
- ki te whakaoti i tētahi o ngā hei mahi e pā ana ki te pukapuka;
- ki te whakaharatau kia eke te ākonga ki tētahi atu taumata.

He whakapuaki māramatanga

1. He aha te pungarehu?
2. Pēhea te whakamahi i te rehu ka tunu ana i te kānga pungarehu?
3. Whakamāramahia mai te tikanga tunu kānga pungarehu?
4. Tino iti nei ngā kuia tunu kānga pungarehu. He aha ai?
5. He aha te rerekētanga o te tunu kai i te wā e tae tamariki ana te kaituhi ki te wā o nāianei?

Ngā whakautu ki ngā whakapuaki māramatanga

1. Ko ngā rehu puehu mai ngā punga wahie.
2. Ka makaia te rehu me te wai ki roto, ā, ka tāmoea.
3. Tuatahi, tahu wahie, tuarua, tangohia ngā pungarehu katoa, tuatoru, tātari i te rehu, tuawhā, makaia te rehu me te wai, tuarima, maoa, tuaono, horoia, ka tao anō, tuawhitu, ka kai.
4. He maha ngā whakautu rerekē.
5. He maha ngā whakautu rerekē.

He Mahere – Hei Tautoko i te Reo

E whai ake nei ētahi huarahi hei mahinga ngātahi mā ngā ākonga. Tirohia ngā whārangi kei te He Tirohanga Whānui mō ngā tino āhuatanga o te pukapuka nei.

Te pūtaka

T He tipako i tētahi raupapatanga tunu kai mai i te pukapuka.

He whakatakinga ā-roto, he whakaharatau

Me matapaki he aha te reo tohutohu, arā, te reo o te tunu kai, te reo o tētahi tākaro rānei. Kia mārāma hoki te ākonga ko te reo tohutohu he whakamahi i ngā kupu tūmahi kua whakahāngūtia. Mā te mahi takirua e mārāma ai te ākonga ki te whakamahi i te reo tohutohu me te tukanga. Kia mutu te pānui a te ākonga i te pukapuka, ka tipako ai i ngā kupu tūmahi kātahi ka whakarārangi ai.

He whakaharatau me whakamahi te ākonga i ngā kupu tūmahi ki te tohutohu i tētahi wāhanga tunu kānga.